

中國宗教歷史文獻集成編纂委員會編纂

黃山書社

三洞拾遺

中國宗教歷史文獻集成之二

三洞拾遺

中國宗教歷史文獻集成編纂委員會編纂

# 三洞拾遺

第六冊

黃山書社

**图书在版编目(CIP)数据**

中国宗教历史文献集成. 36, 三洞拾遗/周燮藩主编;王卡分卷主编. -合肥:黄山书社,2005.10  
ISBN 7-80707-295-4

I. 中… II. ①周…②王… III. ①宗教-史籍-中国②道教-文献 IV. ①B929.2②B95

中国版本图书馆 CIP 数据核字(2005)第 117233 号

# 三洞拾遺第六冊目次

正心修身編

張鈺、戚炳元等募資重鐫  
北京正蒙印書局代印

..... 一

玉曆至寶鈔

素行子王子達重編  
民國九年上海宏大善書局版

..... 七一

普天用字思原

一了山人著  
清光緒二十年印如心堂存板

..... 一〇九

晨鍾錄四卷

江文瀾原編  
清光緒十二年重鐫

..... 一三〇

救生船四卷

清咸豐年間孚佑帝君等降著  
清光緒二年重鐫

..... 二五三

丹桂籍六卷

顏生愉輯  
清光緒二十四年新刻

..... 四九四

張鈺、戚炳元等募資重鑄

北京正蒙印書局代印

正心修身編

正心修身編目錄

太上感應篇

關聖帝君覺世經

文昌帝君陰騭文

孚佑帝君功過格

王洪緒先生外科證治全生

莊在田先生福幼編

中國社會科  
學院圖書館  
研究所藏書

正心修身編目錄

北京正學印書局代印

嚴在田先生福幼編  
王洪緒先生外科證治全生  
關聖帝君覺世經  
文昌帝君陰騭文  
太上感應篇  
正心修身編目錄

原敘

語云人不勸不善又云一時勸人以口百世勸人以書誠以人之爲善必藉有以勸之也然人得天地之氣以成形復得天地之理以成性其性本善又何待勸奈爲氣拘物蔽鮮不有以勸之而不至習而不遷也是則勸善之書顧安可少乎哉夫書之勸人也善者見之而益善不善者亦可化之而爲善誠能於書之精言奧義朝夕斯詞詞領會語語遵行斷不至失其天賦之良而虛靈有時或昧也總之善書雖多求其提示做覺雅俗共賞者自古迄今究不外

太上感應篇 文昌帝君陰騭文

關聖帝君覺世真經爲最著也其理

該其義詳其詞顯而達曰欲求天仙者當立一千三百善欲求地仙者當立三百善曰諸惡莫作衆善奉行永無惡曜加臨常有吉神擁護曰求子得子求壽得壽功名富貴皆能成凡有所祈如意而獲等語莫非三聖慈心欲人之切於爲善也誠能遵而行之上則超昇天堂下則永避地獄其理豫可決耳讀是書者有不聽之而奮然興見之而躍然起者乎茲幸三聖經文更得淮南慎餘

原

叙

北京正學印書局代印

子註釋原本 披閱之下見其分章釋句逐字註明於孝弟忠信諸善則曰幾功於奸盜邪淫等惡則曰幾過尤如經義闡明如日月之在天無纖毫之不足也因欲公諸同好即將三聖經卷依其原帙付諸棗梨但願吾儕讀之各發

天良同修善果共出迷津云爾

光緒七年重光大荒落之歲蒲月既望國挺敘於光邑至善堂  
光緒十七年歲在辛卯仲冬月臨桂魏桐補書

流通善書說

蓋聞作善者降祥作不善者降殃是禍福之由於善不善也明矣願善書之途不一莫善於流通善書何則善書之流行可以化一人且可以化千萬人而可以布一邑即可以布千萬邑可以勸一世并可以勸千萬世非比他端善舉第能限於一方拘於一時也人苟能受用此書則善心於以啓發善量於以擴充善性於以圓熟由鄉里以達邦國自儒者以化愚民維持世道挽回頹風皆賴乎是雖書有性理因果之分總無非教人為善古人云遇上等人說性理遇平等人說因果可知二者之書不可偏廢蓋可與言性理者固難多得而禍福報應之談亦足以感動人心是以性理之言固宜流通即因果之言亦斷斷不可少也古今來撰著善書纂輯善書刊布善書印施善書因而消災度厄集福延年者紛紛不可勝數即近如顧生倫潘仲謀何蒼玉彭凝祉陳榕門朱石君桂關柱生黃泰一元劉嵩松徐白舫李更生潘心菴諸先輩皆以流通善書而得位得祿得名得壽則其矣流通善書之有益於世道人心也匪淺即為之亦尚不難人何以不信此者多而信此者少耶要亦未知善書中之真味已耳然欲人知善書之味必須先將善書廣為流通書既流通而後可冀見善書者多見善書日多則知味者亦自然不少誠能知善書中之真味是已進於善矣豈不樂哉豈不樂哉

流通善書說

北京正蒙印書局代印

阻施善書辯

且古聖人憂天下後世人心不正於是垂訓以遺後世雖不能強人人皆尊聖訓然千萬人中必有一二身體力行者是聖訓之有功於世也大者六經四子書流傳於後世後世雖不能人人皆行其言然賴有此書之存尚知尊為善而賤為惡假使無聖賢書則人皆不知有綱常與禽獸無異矣厥後又因人心險薄已甚六經四子書只可望之有志之士不能入凡之庸耳於是有所感應篇陰騭文覺世經功過格及因果報應諸善書出使人聞賞善罰惡之言近而可行切而易曉庶知有所顧忌而不致為惡有所希冀而樂於為善是亦神聖不得已之作所謂遇平等人說因果是也潘心菴先生嘗考諸善書所載凡刊施善書者皆荷神麻可知神聖在天之靈深喜人刻施善書以勸天下後世成為善人也乃今之阻施善書者曰近世人心險薄施善書與人人未必受即或受之亦未必觀覽且曰人受之而不敬重則施者反獲罪噫何其言之妄夫子曰十室之邑必有忠信況天下之大豈得謂無賢者乎夫善書為神聖所作神聖既作善書焉有不欲人施之理若謂恐人受之而不敬則施者反獲罪是作善書之神聖亦有罪乎足見其言之妄耳嗚呼世之阻施善書者是絕善類也是滅善教也若人皆效尤則善書幾淪沒而永不行於世又何異於秦始皇之焚書坑儒矣乎言念及此哭盡眼中血矣夫阻善書者既為絕善類而滅善教直是率天下後世之人皆入於惡其心甚凶其罪莫大吾知其必受天罰昔有無錫縣鄒一柱號小山者試時有人刻施善書欲其捐助鄒曰非我吝財人不敬重反增罪過是夜夢關帝叱之曰爾讀書明理亦為此言若人皆效尤善路不幾絕乎鄒叩頭謝罪印送千本以贖罪且自畫繡像一部朝夕虔誦後於雍正丁未中傳臚入翰林歷官至禮部侍郎鄒每謂人曰一言足以獲罪戾者莫甚於阻人之善也由此觀之凡阻施善書者其罪莫大則受天罰可翹足而待吾願人其慎諸

阻施善書辯

北京正蒙印書局代印

潘心菴先生所詳一勸一懲一篇實為善之綱領凡刊刻善書斷乎不可少此

秀水張 銓謹識



# 太上感應篇

感應篇讀法纂要

感應篇是一册天律不得泛作勸世文看讀者須於靜室端坐屏去浮氣存一片恭敬虛受心篇中警語方能竦入若常如此檢閱一切邪習自然消滅

## 一宜篤信

考古來之得失察時事之興衰感應之理不爽毫髮特遲速不同而人未詳審耳少年豪放者錮迷不信及乎涉歷既久悔悟漸生然身老而習成欲以遲暮之修消生平之惡杯水車薪不能勝矣故凡見此篇者即須猛發信心一念信種一念善根念念信種念念善根小信小福大信大福如或疑信相參終成自暴自棄

## 二屬勤修

此經為求長生者設蓋出世法也而住世傳世棄世轉世皆不越此表度延齡通帶羅紫減算久此任世法也資氏裕後燕山林機滅門此傳世法也金穀盈倉權勢炙手而一旦無常惟有業隨功過不爽此棄世法也却厥后

## 感應篇讀法纂要

感應篇讀法纂要

一

北京正安印書局代印

梁武帝為蟻王稍變牛負債罪惡貫盈淪於異類此轉世法也欲修還丹先帝后積陰德積善無人知陰德也施與不求報陰德也不迫人於險陰德也陰德既優自能入悟則可以長生出世矣人即不為出世計獨不為生死計子孫計乎閱是篇者須勇猛精進當知鬼神森列指視招然時時省察事事遵行庶幾不負此身耳不然或作或輟忽悠悠人壽幾何能待我徐徐積業哉亦終受陰陽磨弄而已

## 三貴堅永

小善報近大善報遠近報福輕遠報福重今世信善者非無人而堅永者不多得由其略行數事聞值坎珂凡人行不即謬謂天道難知前修頓廢皆欲速之心誤之也

## 四要真切

凡濟人富感懇迫擊至省心必篤實不欺一念之誠可動天地豈非以真切故哉而愈淨意一傳又可為明鑒也

五勸流通

善惡兩報勸戒昭然此上帝之神道冥府之確案也輯之者不必有其名不敢以善釣譽也市之者不必求其贏不敢以善漁利也此篇所在即屬善緣秘而不流必有奇禍故能傳一人者當十善傳十人者當百善傳大貴人大豪傑大力量者當千善廣佈無疆重刻不朽者當萬善時時稱說時時提醒使一切世人無不聞言感動變化更新善緣無邊福緣亦無邊矣昔周虢地演說此經而立脫饑饉君平導人於善而平地昇仙公善之福豈有量哉

感應篇讀法纂要

感應篇讀法纂要

一一

北京正印書局代印

三聖律解敘

天生聖賢所以教人立德也人學聖賢所以體天崇德也皇天無親惟德是輔至人無已惟德獨尊故身居廊廟無德則貽玷千秋跡寄江湖有德則流芳萬世此德之不修我孔子嘗以為憂而發於論語也蓋管論之自文字設教以來彙編者削竹披蒲著作滿家充棟理勝於文者固為可法文勝於理者未免有偏有損於德之言無謂其少而妄言有益於德之言何嫌其多而不言由是以推書之於註解原不可無也居恒從師函丈籍既啟乎曹倉究道風簷篇更探於鄴架橫覽乎五車四庫縱觀乎萬語億言溯厥指歸其間皆以講學從義改過而修德之言為足要者感應陰陽覺世三者尤為由博反約之筌蹄上自帝王卿士下及商賈農工流傳既久共見共聞善惡兼該有施有報遵依者早已見前作後興違謬者每視為常談泛論違者見功違者為過於戲豈不負聖賢立教之意乎然論其生初賢愚不甚相遠只因知誘物化覺昧遂判若天淵矣余生長蒲州世傳忠孝及至己身而孝德尤虧早年失恃因家貧而舌耕遠

三聖律解叙

一

北京正印書局代印

地越三月而吾父賓天每痛生不能養歿不盡哀號泣何及自怨自艾用斯絕意仕進度心訪道以期先亡證真是歲暮春因醞願於七曲山中路過潼關憩於老君殿下得遇躬行居士把袂言歡心焉契之恍然得乎三教不二之旨居士因出其家藏三聖合刊係淮南慎餘子律解全書屬余作叙披讀一過頓覺豁目沁心徹悟感應之妙理相與行吟月下仰以觀於天文見天車默運轉移踴度而定四時此天之感應也俯以察於地理知地軸迴旋週流消息而生萬物此地之感應也天位乎上地位乎下天氣下降地氣上升天氣上升地氣下降此天地感應而進退存亡得失之機胥在是矣人能法天地之全功則必知乾健坤順離麗坎陷震起巽入兌說艮止之義蘊乃能妙合二五凝結大丹此說性理而言感應之理也至於明德之後必有達人英雄之裔不無繼公相此說因果而言感應之理也作善降之百祥作不善降之百殃此說報應而言感應之理也真儒之修於乎不顯君子之道闇然日彰惟知修己以安人決不沽名而釣譽此讀陰騭文而感應之理存其中矣乖乖巧巧慣用乎一派網羅忘

卻整飭綱常之正業擾擾營營沉迷於三春花柳那知扶持造化之元機要將這點靈光放諸腔子乃得十分正氣鎖在眉梢此讀覺世經而感應之理寓於其內矣有德者必有言有言者不必有德律以身作則之準而無德之言本不足重有德之言乃爲可欽若 太上則歷劫下世無量度人三界宗師萬天教主 文昌則九十八回化現一十七世爲官在國則忠在家則孝我 關帝則一生孝子數世忠臣鎮魔弗衰英雄蓋世薄雲貫日大義參天行而世爲天下法言而世爲天下則三書之言皆聖人之言也慎餘子以寡尤寡悔之操言行不苟所註律解又賢人之言也夫言而至於聖賢之言其誰得不信乎其誰得不行乎 余學問久踈愚庸自愧素承師尊之教竊附己意筆之於書至於言論之可否則未之知也勉從居士之囑以其事闡名教責弗敢辭極知僭妄無所逃罪然於身心性命獨善兼善未必無小補云

告

道光二十四年歲在甲辰日躔大梁之次

### 三聖律解叙

勅封忠義神武靈佑仁勇威顯護國保民精誠關聖大帝八十一世孫承先謹叙於吟月齋中

梓潼躬行居士輯

淮南慎餘子註釋

山右關承先校閱

光緒十七年歲次辛卯仲冬月粵西桂平欲善子陳鳳雷捐資重刊並書原叙

於武林吳山東畔之大椿垂蔭軒

### 太上感應篇

太上曰禍福無門惟人自召善惡之報如影隨形是以天地有司過之神依人所犯輕重以奪人算算減則貧耗多逢憂患人皆惡之刑禍隨之吉慶避之惡星災之算盡則死又有三台北斗神君在人頭上錄人罪過奪其紀算又有三尸神在人身中每到庚申日輒上詣天曹言人罪過月晦之日竈神亦然凡人

有過大則奪紀小則奪算其過大小有數百事欲求長生者先須避之是道則進非道則退不履邪徑不欺暗室積德累功慈心於物忠孝友悌正己化人矜孤恤寡敬老懷幼昆蟲草木猶不可傷宜憫人之凶樂人之善濟人之急救人之危見人之得如己之得見人之失如己之失不彰人短不衒己長遏惡揚善推多取少受辱不怨受寵若驚施恩不求報與人不追悔所謂善人人皆敬之天道佑之福祿隨之衆邪遠之神靈衛之所作必成神仙可冀欲求天仙者當立一千三百善欲求地仙者當立三百善苟或非義而動背理而行以惡爲能忍作殘害陰賊良善暗侮君親慢其先生叛其所事誑諸無識誑諸同學虛誣詐僞攻訐宗親剛強不仁很戾自用是非不當向背乖宜唐下取功諂上希旨受恩不感忿怨不休輕蔑天民擾亂國政賞及非義刑及無辜殺人取財傾人取位誅降戮服貶正排賢凌孤逼寡棄法受賂以直爲曲以曲爲直入輕爲重見殺加怒知過不改知善不爲自罪引他擁塞方術誣謗聖賢侵凌道德射飛逐走發誓驚擾墳穴覆巢傷胎破卵願人有失毀人成功危人自安滅人自益以惡易好以私廢公竊人之能蔽人之善形人之醜訐人之私耗人貨財離人骨肉侵人所愛助人爲非逞志作威辱人求勝敗人苗稼破人婚姻苟富而驕苟免無恥認恩推過穢禍資惡沽買虛譽包庇險心挫人所長護己所短乘威迫脅縱暴殺傷無故剪裁非禮烹宰散棄五穀勞擾衆生破人之家取其財寶決水放火以害民居紊亂規模以敗人功損人器物以窮人用見他榮貴願他流貶見他富有願他破散見他色美起心私之負他貨財願他身死干求不遂便生咒恨見他失便說他過見他體相不具而笑之見他才能可稱而抑之埋蠱厭人用藥殺樹志怒師傳抵觸父兄強取強求好佞好奪擄掠致富巧詐

### 三聖律解

太上感應篇

北京正觀印書局代印

求遠賞罰不平逸樂過節苛虐其下恐嚇於他怨天尤人詞風罵雨門合爭訟  
妄逐朋黨用妻妾語違父母訓得新忘故口是心非貪冒於財欺罔其上造作  
惡語譏毀平人毀人稱直罵神稱正棄順效逆背親向疎指天地以證鄙懷引  
神明而鑑猥事施與後悔假借不還分外營求力上施設淫慾過度心毒貌慈  
穢食饑人左道惑衆短尺狹度輕秤小升以偽雜真採取姦利壓良爲賤設竊  
愚人貪婪無厭咒詛求直嗜酒悖亂骨肉爭男不忠良女不柔順不和其室  
不敬其夫每好誇常行妬忌無行於妻子失禮於舅姑輕慢先靈違逆上命  
作爲無益懷挾外心自咒咒他偏憎偏愛越井越竈跳食跳人損子墮胎行多  
隱僻晦臘歌舞朔旦號怒對北涕唾及溺對龜吟咏及哭又以竈火燒香檠柴  
作食夜起裸露八節行刑唾流星指虹霓輒指三光久視日月春月燎蠟對北  
惡罵無故殺龜打蛇如是等罪司命隨其輕重奪其紀算盡則死有餘責  
乃殃及子孫又諸橫取人財者乃計其妻子家口以當之漸至死喪若不死喪  
則有水火盜賊遺亡器物疾病口舌諸事以當妄取之值又枉殺人者是易刀

### 三聖律解

太上感應篇

二

北京正覺印書局代印

日有三惡三年天必降之禍胡不勉而行之

太上垂訓 感應之篇 日誦一遍 滅罪消愆 受持一月 福祿彌堅  
行之十年 七祖昇天 久行不忘 壽命長延 天神恭敬 名列諸仙

### 感應篇靈驗

#### 福親

錢塘汪源童年時即喜誦此篇毅然有遵行之志以父靜虛公欲鏤板未就遂  
捐產成刻且多方募善士及<sup>其</sup><sub>其</sub>等各自出貲財印送萬部一日夢父謂曰汝  
不但善成我志且勸善共施我已超昇天堂汝母亦享高壽衆人共汝俱名著  
善籍矣後果如其言

#### 誕子

陝西梁公化鳳秉性忠勇爲蘇松總鎮與士卒同甘苦軍中有慈父之稱時海  
寇鄒國姓圍金陵甚急公率兵禦之於得勝門外身先赴敵盡戮賊衆全城危  
而獲安以功晉松江提憲公年踰五十祇生長公子鼎身弱多病時以爲憂一  
日覽感應篇圖說大生歡喜捐俸刷印五百部廣爲勸戒每晨著淨衣冠焚香  
再拜虔誦一篇而後出理公事雖盛暑祁寒車中舟內未嘗廢也公曾於夏夜  
露坐忽見室明如晝趨視之乃所奉感應篇放光照人鬚髮皆見知持誦有靈

### 感應篇靈驗

北京正覺印書局代印

益勉不敢稍輟次年卽生次公子竊誕降之時異香滿室經文放光如前公向  
以單傳爲憂今則雙珠並耀矣嘗語人曰天下無不可回之天意但人不知求  
耳求則未有不應者也後次公子克紹前烈由軍功出身歷任總鎮陞福建提  
臺轉文階爲浙閩制府遭遇之隆近世罕比生子九人俱登仕版文孫濟濟靡  
不翺翔雲路至今陝中稱望族云世之孤軍無後欲求種子之方  
急宜效法矣公無有不應佳兒

宜興守備曹成秀云余乙丑抵任閩邑紳徐子經陸孝友端方初以營務旁午  
未遑識荆越數月始往來款洽余談及年逾半百多病乏嗣行將解組歸里徐  
君慰曰官可辭而子不可少但能多行善事可以致福余曰我輩居官動止多  
尤敢望福報徐君曰不須他及只力行感應篇更能刊施廣佈誠心勸善向來  
靈驗不可枚舉余始豁然立願刊施未幾身漸康強丁卯四月果生一子益信  
神明可以至誠感格也後於友人案頭披讀此篇像註中列公案瞭如指掌不  
勝驚喜重印百部用公同好

杭州周仲遠祥人中擅揚手也五旬未得子雍正五年刻感應篇圖說必誠必

敬日助刻二板不取值是年舉一男

他居王竺生男名淨四歲病亡哀痛情切發心刻施此篇欲求亡兒再投妻腹

後果有一娠夢抱淨回家既覺生男宛肖兩生一體骨肉重圓

太原王孝卿家貧百萬五旬無子或勸刊施此篇衆妾皆不信獨錢姓妾慨然力行印施萬卷是年遂生一子年十六八泮

延壽

前朝劉大司寇存心仁恕用法平允從無苛刻所生六子殒其五年俱不滿二十其第六子環已十七歲矣雖聰慧個儻而單弱多病不異諸兄有蜀中相士周士連袂術遊京師名震一時公使觀環相曰此子但求壽不必言富貴也周細看半晌答曰論公子資格難度十九歲之關但修身立命聖賢垂訓決無虛謬惟力行太上感應篇可以挽回造化舍此則非術士所能知也環雖年少頗能自勉即對天發願將感應篇逐條錄出善者粘於東壁每行一善則加一紅圈惡者粘於西壁每除一惡即加一黑圈行之三年已過十九歲而竟

感應篇靈驗

北京正德印書局代印

無恙一日渡揚子江見漁人網一大龜環命從人給錢一千買回放生龜昂首隨舟送至五里猶戀戀有不捨狀環謂之曰予前途即登岸矣已知爾之厚恩不必遠送龜於水面點頭悠然而逝是夜環宿旅邸夢一皂衣短胖道士向之稽首曰公子力行感應篇三年不倦上希克嘉已增壽延年矣但體弱神薄難保寒暑不侵貧道有小術相授照此調攝可保身安無病乃傳以吐納導引之法傳畢別去環醒知係神龜報德依其所授如法用功甫期年即百病消除召前相士備禮謝之是夜周與環聯牀而寢見環已睡熟並無微息捫之如死人次早向司寇公賀曰公子乃龜息也壽元極永富貴其長公從今不必憂矣後環享壽九十八歲五福全臻此持行感應篇求壽得壽之驗也

朱斐玉日莊誦此篇一日病危昏昏及開神諭曰汝信誦感應篇有年亦能勉行篇中數善事應錫汝齡不日病愈

錢塘金鏡開柴虎臣先生新注感應篇成慨然欲捐梓付梓適其妻病篤恍見白衣神示曰爾夫欲刻感應篇應增爾壽嗣後可告世人篤信奉行刊印廣施

必逐天福無量

致富

松江張德甫日誦感應篇身體力行生子二田八百餘畝年老分析各授感應篇一帙戒曰爲人之道盡在於是即作家之法亦不外是汝曹當如我力行之二子問曰篇中豈有作家法乎父曰算減則貧耗蓋言人所以貧也福祿隨之蓋言人所以富也此即作家法也後二子奉持如父命事母孝置產三千餘頃富甲一郡

揚州鹽商吳某素奉行此篇并文昌教劫章順治乙酉城下之先一月有道士至門乞齋畢語之曰聞汝奉感應篇救劫章甚虔亦知汝隔壁有夾道水巷乎他日有急可避於此吳漫應之比城下日張皇無措因憶道人言率家人踰垣避之果永巷也甚堅不與外通越五六日令僕上屋窺探爲官所獲詢之則鹽商也時下令索鹽商認行鹽窩僕乃引王出認窩引三十餘萬因獲利巨富

符第

感應篇靈驗

北京正德印書局代印

前朝尚士英能文善書雖係寒士卻學好善曾見人募化刻感應篇欲捐助而苦無力乃典衣金以勸其事冬日着單服不悔年逾三十貧窶益甚附舟到京作兌館計僑寓城外關帝廟中半載渺無知者代人書寫對聯扇頭以資餬口時近除夕有重臣差其幸事至關帝廟辦公幸事性喜文墨一見士英所書不禁欣賞問何處人何事到京士英以實對幸事曰君既皇皇無主人予之諸子現覓西席何不移榻到舍朝夕請教君亦得靜養讀書可應試求名也士英謝而許之幸事爲之治衣整衾煥然一新不復寒士相矣上元之夕重臣於花園偏掛花燈懸匾聯請遊玩門客所書多不當意幸事以士英薦立召面談士英運筆如飛字畫端妍詞語雅切大加欣賞是夕駕臨園中問保何人手筆重臣對曰此臣家西賓尚士英寫作次早即召見於偏殿試詩文稱旨欽賜進士爲翰林檢討不數年陞掌院學士凡駕臨幸之處士英載筆相從一刻不離遇合之隆遭逢之盛無有比者退朝之暇備盛禮至關帝廟酬謝道士設錦食綉墊候其歇息禮畢稍憩恍惚見關帝曰爾今日之榮乃助刻感應篇之力也

後宜益勵初心忠君報國慎勿恃寵滋事士英醒方知獲報之故偏以勸人多有化者

杭州景江錦游幕嶺南潮州署其父亦客兩粵制府幕中俱深信感應之理案頭必置感應篇一卷朝夕持誦時江錦以年逾四旬淡於仕進且戀潮州美地東金頗優決意不復秋賦乾隆辛卯大比父連札三四促其旋里最後一札云如不急回以不孝論不得已快快假裝入闈途中亞魁聯捷分部未幾放潮州知府竟如夙願蓋江錦鄉舉之前辦一板誣盜案曾救活五十七命故也使平日不奉行感應篇豈能悉心平反如是邪

錢塘何藩雲為諸生時日誦此篇其父聞旌未之知也一日父夢一老叟謂之曰汝子奉行感應篇其力今科中式矣後父至子館果見是書因思前夢不爽及發榜果中後兩科又登進士

免厄

明季項公忠由章布以至釋褐皆持誦此篇未嘗稍輟正統時為兵部主事隨

感應篇靈驗

四

北京正堂印書局代印

駕征朔漠遺土木之變為伯顏所捕羈留不放公每於叢幕中默誦即有白光上騰伯顏不敢加害一日守者他往乘閒得逃日行山僻小路夜宿榛莽中常遇虎狼並不相侵受盡艱苦漸近紫荊關飢甚臥山巖不能起適伯顏出獵有從役遺熟羊脰一隻於公前役竟不覺去遠而取食之稍得充腹跋涉進關脚骨已穿寸步難移事聞於朝景泰帝召見仍以原官起用正統復辟石亨曹吉祥徐有貞輩恃奪門之功攬權納賄公以耿直為其所嫉共相排擠繫刑部獄蟻生於髮癢不可忍忽有飛鳥銜舊篋一張從空墜下用以櫛髮後公出獄以此篋藏諸家廟昭示子孫每當審訊之時公惟虔誦此篇以求解厄問官雖承曹石意旨作威相詰而五毒未加此中蓋有神明默相焉後曹石事敗公寃得白出獄數年之間累陞兵部尚書為一代名臣以福壽終

湖州孫劭與袁了凡先生友善先生授以感應篇功過格諸書劭銳就自勵繩趨尺步年逾四旬由拔貢為縣令未幾忤上游意落職回家貧甚謂天道渺茫口占一詩黏城隍廟柱云寡過多年不記功老天何苦令予窮有談報應津津

者此後聽如過耳風未數日病眩憤中見二卒引見冥官官曰如前生未種福田目前所得已為轉移之厚命吏取冊示劭凡生平所為事纖悉畢錄其受福處皆本無而轉有者其履順處皆本危而轉安者視畢方信報應不差冥官復諭曰砥行須求善行廣為人應念苦人多嗣後汝當益自力善不忘并廣勸世人同緣善果不安怨神明致干冥譴揮令去醒後倍加修省親見二子登高第入仕籍享壽八十有奇

蘇州崑山葛明玉子名樞堅同心好善嘗刻感應篇廣疏及法華感通錄印施其多順治乙酉七月初六遇亂兵入城父子俱匿草莽中兵聞其好善為守門三晝夜全家六十口俱保全

成仙

萬德聚祖遺太上感應篇一卷供奉中堂四代相承俱虔誠禮誦至德聚更身體力行妻及兒女皆具善根互相勉勵一舉一動悉遵理法一日有羽士造謁德聚設齋供養叩問元門妙旨曰心即是道道即是心心與道離則入六道三

感應篇靈驗

五

北京正堂印書局代印

途心與道合則造蓬萊三島地獄天堂祇爭此一念耳若夫講白雪黃芽產嬰兒姪女無論萬不能成即使火候將完必有物焉以敗之終成畫餅充飢吾觀尊府祥光盤結未知藏有何寶曰貧家四壁蕭然並無寶也羽士攜其手尋至中堂見所供感應篇曰此即至寶也三教聖賢撰造經文示人以修行之路人能依經而行則心之精誠發為英華經文字字皆現寶光若徒誦以希福報則私意掩蓋經必黯淡無色今觀子家感應篇瑞霧直達霄漢是子之心允符太上之心大丹成矣殊為可賀但天爵雖可預期而人事尤宜加謹子其勉之勿墮前功可也德聚遵教修持益力三十年開濟人利物無善不行果有天官捧詔仙樂來迎萬目共覩德聚攜妻挈子白日上昇里人即於其家立像祀之每遇水旱祈禱輒應救封普應靈濟真君

愈病

周光普得翻胃症二十餘日飲食不下奄奄一息見兩陰差鎖帶出門約行十數里遙見樹林中有人呼其名趨視之乃好友吉雲和執手流涕叙離別吉附

周耳密語吾在生無過因通文墨爲泰山府君總吏其蒙信用一切生死俱操  
我手可以爲君維持陰司最重感應篇稍刻過堂君但云曾發願誦持萬遍乞  
放還以滿前願府君有問吾自代稟語畢辭去二差帶至一大署見出入紛紛  
有鼓樂迎送者有疏放散行者有披枷荷鎖發往地獄者俄聞喚周聽審周至  
案前跪下府君曰爾爲人雖云循謹但好畜禽鳥捉活蟲喂飼彼獨非生命乎  
宜赴俄鬼獄受罪周如吉言泣稟府君問管行吏有此事否吉時侍側稟曰實  
有之乃以簿進府君喜曰有此善願宜放還吉又稟曰此人病入膏肓須令  
醫救治府君吩咐關會天醫院二差送周回家見已身臥牀上差推魂入竅遂  
甦因思天醫乃陶許二真君強起策杖赴隔河陶許廟禱求至橋中僮僕欲蹶  
有山西客扶住曰觀君氣色似患翻胃症不治則死矣吾有小術可以即愈蓋  
隨我行共至一小室中客取竹爐生火烹茶身邊取一銀針從心口右邊鍼下  
約寸餘連灸二艾火周呼疼客即止灸將鍼拔出貼以膏藥時茶已熟客斟一  
盞令周飲辭曰多日點滴不入矣客曰此茶不同爾請試之周連飲二杯並無

### 感應篇靈驗

六

北京正蒙印書局代印

阻隔覺精神頓爽客戒之曰爾歸家宜先飲米湯次食稀粥七日後方許食飯  
周如其言數日果愈尋客謝之踪跡全無房屋亦屬烏有乃知爲天醫顯應終  
身持誦此篇不輟獲享福壽

新安方時可自幼多疾後訪元門求度世術至齊雲岳遇異人曰汝形貌如此  
壽止三十六奈何欲求清福非先種善根不能也時可歸力貧勉刻此篇印施  
纔刻十章而疾已減半刻完而諸疾頓去自此身體強健形貌忽殊竟壽考終  
南省進士沈球因妻項氏有娠獲病危其發心刊送此篇作小卷施人使人便  
於持誦庶幾由誦而覺而行刊成梓人捧板至門項氏遂產母子俱慶  
家母患頭風十餘載矣醫治多方迄無一效常以爲憂余得哮喘病亦八九年稍  
感風寒輒發痰壅氣逆夜不能眠去秋七月偶閱 黃公正元所注感應篇圖  
說言淺旨顯智愚共曉真醫世之靈文指迷之寶鑑遂發願重刻以祈病痊病  
皆頓止殆默邀 神祐有感斯通也亟思梓行以廣其傳惟圖說一書卷帙浩  
繁力有未逮且恐讀者艱於緝閱茲摘錄要領兼採直講益以勸戒彙編合爲

一册謹付剞劂藉答 神麻而公同志倘蒙 大雅君子不嫌淺陋惠以指正  
而廣爲傳布則尤余之所厚望云  
光緒十三年六月望日平江包山徐寶恆敬識

### 感應篇靈驗

七

北京正蒙印書局代印

# 關聖帝君覺世經

關帝覺世真經

帝君曰人生在世貴盡忠孝節義等事方於人道無愧可立身於天地之間若不盡忠孝節義等事身雖在世其心既死可謂偷生凡人心即神神即心無愧心無愧神若是欺心便是欺神故君子三畏四知以慎其獨勿謂暗室可欺屋漏可愧一動一靜神明鑒察十目十手理所必至况報應昭昭不爽毫髮淫爲諸惡首孝爲百行原但有逆理於心有愧者勿謂有利而行之凡有合理於心無愧者勿謂無利而不行若負吾教請試吾刀

敬天地禮神明奉祀先孝雙親守王法重師尊愛兄弟信朋友睦宗族和鄉黨別夫婦教子孫時行方便廣積陰功救難濟急恤孤憐貧創修廟宇印造經文捨藥施茶戒殺放生造橋修路矜寡拔困重粟惜福排難解紛捐資成美垂訓救人冤讐解釋斗秤公平親近有德遠避凶人隱惡揚善利物救民回心向道改過自新滿腔仁慈惡念不存一切善事信心奉行入雖不見神已早聞加福增壽添子益孫災消病滅禍患不侵人物咸甯吉星照臨若存惡心不行善事

## 三聖律解

關帝覺世真經

一

北京正印書局代印

淫人妻女破人婚姻壞人名節妒人技能謀人財產唆人爭訟損人利己肥家潤身恨天怨地罵兩呵風謗聖毀賢滅像欺神宰殺牛犬穢溺字紙恃勢辱善倚富壓貧離人骨肉間人兄弟不信正道姦盜邪淫好尚奢詐不重儉勤輕棄五穀不報有恩瞞心昧己大斗小秤假立邪教引誘愚人託說昇天飲物行淫明瞞暗騙橫言曲語白口咒詛背地謀害不存天理不順人心不信報應引人作惡不修片善行諸惡事官詞口舌水火盜賊惡毒瘟疫生敗產姦殺身亡家男盜女淫近報在身遠報子孫神明鑒察毫髮不素善惡兩途禍福攸分行善福報作惡禍臨我作斯語願人奉行言雖淺近大益身心戲侮吾言斬首分形有能持誦消凶惡慶求子得子求壽得壽富貴功名皆能有成凡有所祈如意而獲萬福雪消百福駢臻千祥雲集諸如此福惟善可致吾本無私惟佑善人諸善奉行勿忘厥志



覺世經靈驗

宜興周廷昌為父祝壽送真經八千張父九十而康王尹芳候選都門印施此經敬求近缺迎養慈親果得建德縣離家甚近編

紹興朱啓元六旬無子夢 帝刊施真經可有子朱遂施五千張後得二子送

終

洪州宋之相中丞日誦此經復印送十餘年子茂學登進士二孫俱膺高第

河南陳遜積學久不第刊印此經一歲春秋兩捷

安慶周亦龍上省試偶於路亭見貼真經一張揭歸焚香誦讀向空祈禱願於

場後印送千張是科即中

無錫鄒小山公省試時有人刊施善書欲公捐助曰非我各財人不敬重反增

罪過是夜夢 帝叱之曰爾讀書明理亦出此言若皆效尤善路不幾絕乎公

叩謝願施千本以贖罪且自畫繡像一部朝夕虔誦後於雍正丁未中傳臚歷

官至禮部侍郎公每謂人曰一言足以獲罪者莫甚於阻人之善也至

覺世經靈驗

北京正印書局代印

豫章胡秦夢 帝曰汝當有大禍可速刊吾經勸世胡不之信後果以事累下

獄始大悔遂於獄中錄此經屬友刻施後得免免

臨安沈熊天好食醜右臂生毒狀如鼈有頭足痛難忍禱施真經千張以悔過

毒遂消

易重巽患病成癩醫醫莫痊施此經八百卷遇奇醫而愈

劉人善背疥危甚願施此經一歲三日即愈壽至期願子孫登第愈

桐城胡秀升於光緒甲午年客住杭州秋初偶染時疾兼帶咳嗽痰氣甚重十

餘日竟然大肉消瘦遂心中默禱願刷印百部勸世並許每日清晨虔誦一遍

病勢日輕遂即愈因境遇窘迫不能遽印延至丙申年其事未果忽於九月間

又染浮腫之症復向 鬼神前焚香即付梓工刷印百部以了前愿其症不藥

而愈非敢曰廣行陰陽願善人君子信以奉行耳

文昌帝君陰騭文